

畧陽縣誌

170.229
33
1-2

五

2570

序

余向不敢言文自史略以來絕少
葦札結記一邑之風俗而為之志
司土者之責也何敢忽茲奈舊志
刻本難加增輯於是廣為搜羅
僮得手錄數楮而又就梓邨俚

自序

一

究體年遠予因少加更正鳩工鐫
板庶成卷帙示報同序於名云大
人而自識其端曰方隅片土皆自
夙多所不廢况一邑之沿革興亡
者乎畧陽之名考之書史稽之皇
興起於唐而定於明業已炳之



儼然一命邑也迨與朝定鼎江山匯
靈崗間幅湊且南連巴蜀西接陝華
竟成一都會矣獨是遠藩爰亂其
前此之善政流風遺文逸事以
往考之新碣荒碑而兵燹累疊於
是示得不取存錄而訂備之山川

自序

城社則仍其舊燧後風俗必因平時
盡去其祀典証而存其信之確也
使一毫因革興亡數卷何失有以
表見也至於孤忠遺直孝子貞節
卓之可記述者悉為彙記至或被
社傳祀泮滅出者稍涉疑似者不

敬悉錄以待後之博雅君子考訂
而增入焉

雍正辛亥歲仲夏上浣稽山范

昉式亭氏題於略陽官署



自序

三



此山... 有... 城...

此山... 有... 城...

此山... 有... 城...

此山... 有... 城...

翠峯山

雲峻山

象山

...

正德寺

...

老君殿

...

...

沿革

釋名

形勝

八景

幅輿

閩隘

山川

江河

輿地

丘墓

古蹟

風俗

災祥

借亂

得失

城池

衙署

學宮

廟宇

津梁

鄉村

市集

舖舍

驛傳

目錄

寺宇

里甲

田賦

戶口

起運

存留

鹽課

物產

政蹟

文員

武職

兵防

軍額

馬匹

俸餉

卷之二

勳業

賢達

孝義

節烈

仙釋

文藝

畧陽縣誌

疆域

沿革

畧陽縣春秋高氏羗所居秦為蜀郡漢分白馬氏為武都之地西晉亦或人楊茂搜分王武興即今東關即古武興之故址也南北朝後魏為畧陽郡西魏改郡為順政縣繼置仇池縣後曰靈道隋復為順政郡太業初省靈

畧陽縣誌

一

道屬順政郡唐為興州置畧陽縣為附郭宋初為武興軍領三縣曰畧陽仍為附郭曰長舉曰西縣至和間改為興州開禧三年以吳曦之變改為沔州元仍宋舊隸四川廣元路二十年遷沔州於鐸水明洪武三年平定陝西廢沔州長舉總為畧陽縣七年改西縣為沔縣隸漢中府寧羗州崇禎間直隸漢中府後改為漢中府

釋名

畧陽用武之地曰畧象山之南曰陽因平氏
羗之亂南北及後魏始以此為名

形勝

山峯環轟江濤洶湧道路險惡控扼蜀門又
稽境內如八渡山仙人關沙金坪大漢關等
所俱屬要害之地前人斥埃屢獲膺公史稱
與洋利閔為三秦蜀離咽喉洵不誣也

畧陽縣誌

武興八景

二

獅象拱關

治之東有獅山北有象山峭崿
高遠迤起伏或長風積雨望之勃
勃如欲生動焉

文鳳翼序

文筆峙邑右鳳山峙邑左玉削霞
鸞拱翼文廟

靈巖夕照

城南七里空寂幽敞樹翠雲深日
薄西山光從洞口射入如奩舒水

鏡水漾天光

白嵒樵唱

縣西三十里直立百尋兩崖夾對
江水從中豪流舳舻往來鷗鳧出
沒時有樵夫賣唱空谷傳聲

集水懸晶 北一百二十里山腰一洞上有三
不潤相傳飲之可以已病又有石塊燈檠
可異洞之左壁有瀑布十餘尋
冰拋珠 西曰十里治水從懸壁分兩約八
餘尺晶瑩珠露形似拋珠
寒蓬積雪 西南百里盤折數千仞雲光劍垂
萬象俱備其下則陰岩積雪路暑
不消

靈峻雨聲 山在西南開三里高極五雲橫當
三水或有霖潦山頂則颼颼有聲
雨即至 矣故謗名之曰雨號山

幅帽

畧陽縣誌

三

廣七 百二十里 袤五百二十里 東一百二十
里 沮水河交河縣界西一百一十里 至大南
峪交階成界南四十二里 至白雀寺交寧羗
州界北一百三十里 至大石碑交徽縣界東
二十里 至登雲舖又二十里 至接官亭又二
十里 至茅壩舖又二十里 至煎茶舖又二十
里 至夾口驛又二十里 至沮水舖過河有船
十里 至七里溝可行車騎 東南二十里 從

接官亭至道廣廟小道步行二十里至鐵佛
寺交寧羗界道大安可行馬東北二十里
至廟兒埡七十里至五郎坪四十里至白磬
壩通沮水俱小道正西西門過嘉陵江渡
十五里至橫現河石牛寺十五里至里口十
五里至窄峽子十五里至鄧子園十五里至
分水嶺十里至七里壩十五里至窄坪十五
里至大南峪交階州界通秦州鞏昌府可行

畧陽縣誌

四

車騎又從橫現河三十里至寫臺寺四十
里至相公山五十里至金竹壩交階州界止
可單騎而行西北從里口二十里至報恩
寺三十里至禪覺寺三十里至青泥河通白
水江險路五十里至階接壩俱險窄交成縣
界從報恩寺河順西流江六十里至西淮壩
俱險窄交成縣界西南從青白石三十里
至落索河又三十里至七埡子險窄道寧羗

陽平路又通四川龍安府小路 正南七
里至靈岩寺三十五里至白雀寺交寧羗州
界通陽平關從白雀寺沿江西岸五里至青
白石六十里至平溝四十里至縣壩俱山路
險窄交階州界 正北十里至五馬岩又四
十里至黑接房交河石路從此二十里至八
渡山二十里至大黃渠俱山高險窄二十里
至白水江有船二十里至大石碑交徽縣界

從五馬岩十里至白石溝三十里至費家壩
六十里至仙臺寺上通白磬壩沮水下通老
柏樹鳳縣界從白石溝五十里至金池院三
十里至中川二十里至三川三十里至九股
樹交徽縣界俱山僻小道至省一千九十二
里東由沔縣至省一千三百一十里至京師
三千七百二十里

關隘 置口九股樹二處巡檢司俱廢

山川

鳳山 東一里曾有鳳集其巔

武興山 東三里山連武興城故得名也

舟家山 東北三四舟閩之故址也 按晉穆帝永和

五年後趙主遷以武興公閩為都督中外諸軍之從石鑿我善主遷而自立以閩為大將軍永和六年正月詔閩發營而自立閩姓母為石氏所奉置後其地我石虎二十八年孫蓋攻石氏即皇帝位國號魏八年遷為魏所滅也

橫嶺山 東二十里

畧陽縣誌

玉女山 東南三十里山峯秀麗掩映雲霞

山半有白石宛如人冠冕坐崖間也

白熊山 東八十里昔有白熊出此

玉文山 南二里

小景山 在玉文山之右

文筆山 西南三里 名大景山南北朝時

改曰靈峻孤峯卓立所有武都王廟旁有

石符旱則禱於廟印符汲泉雨隨至矣

大丙山 南二十里下有石洞曰丙穴 清明
前後嘉魚湧出即今夾門海區所謂龍潭
者也

小丙山 與大丙山並峙

寒蓬山 西南一百里周一百六十里高三
十餘里人間炎暑山中積雪為隆冬上有
泉甚甘列有意求之則迷不知處

三公山 西五里有王夫八揚氏墓以三子

貴故崇其名

堡子山 西二十里宋吳曦屯兵故地即走
馬嶺也

相公山 西六十里唐權載之別墅在此昔
有是名今仍之矣

象山 城之北山勢俯瞰城中明邑今牛閣
仁創石城於其上可以守望焉

大范山 北四十里山嶺有池方可一里許

深盈丈冬夏澄泓池中產菱以供邊實

八渡山 北七十里嶽鳳之要路四面險阻

林菁鬱盛山溪交萃路列三岐要害之區

教告國故

玉屏山 北八十里與石門相對有宋歐陽

詹棧道銘刻於石

寶虹山 西三十里置口沿江迤西約五里

許者是

畧陽縣誌

青泥崩

北一百五十里古樵道也懸崖絕壁

至和二年利州路轉運使主客郎中李虞

卿倡之嘉祐二年轉運使工部郎中李虞

成之作開道三千三百九間和亭營房細

兒三百八十二間戎舊三十三里廢青泥

一驛除動兵馬一百五十六人時歲省

驛廩節糈三十石高草一萬圍放稅事從

夫三十餘人經營實難能或不易非有深

心定識者孰能為之昔白水路可嘆嘆息

飛仙嶺 東南四十里唐徐佐卿飛仙處

石馬洞 東三十里洞內石形如馬

魚洞 東四十里洞口徑二尺清水合流

逢穀雨之時多魚擁出非時出歲荒
羅漢洞 南七里靈嵒寺之左深十餘丈澗
數尋中立一柱上下相連後有邃穴深不
可測昔有椽石乳者入洞約行半里忽見
天光雲影異卉奇葩旋爲白鹿驚觸而出
後挈伴偕遊已巨石塞其門矣
太白洞 西一百二十里西淮壩內有龍湫
禱之則雨

朝陽洞 北一百二十里白水江邊懸崖間
一名藥水洞洞中佛宇莊嚴內有鍾乳有
天然石蓮花盆承石上不溢不涸左壁瀑
布十餘尋奇觀也又雷洞深不可測中殷
殷有聲風洞外然內廣風出或和或肅兩
洞則嵌空玲瓏頂覆千葉玉蓮四時傾瀉
競指爲勝槩矣
烏龍洞 北一百五十里中川之地洞門止

容一人遊則寬廣深遠逼露天光洞後水勢橫流莫知首尾或曰龍潭

江河

嘉陵江

縣北一百二十里即白水江也源分大散關分水嶺之南經東河驛鳳縣

至棧州由大魚閣通舟楫又至兩河口合淮河遠域西南會夾江八族二水入蜀

白水江

北一百二十里

夾渠河

東二里源發飛仙嶺至邑南八渡

入嘉陵江

畧陽縣誌

十

沮水河

東一百二十里即鐸水河俗稱之

曰黑河也發源紫柏山至河合漢昔以此

水名縣隸沔州

樂素河

南八十里俗人名之落索河也

橫現河

西十五里

石門河

西八十里源發白馬關至江口入

淮河

淮河西一百二十里昔曾出犀牛一名犀

牛江源發禮縣自西淮而下舟楫可通流
至兩河山合嘉陵

青泥河 西一百五十里源發成縣至石門
入於嘉陵

八渡河 北十里發源三川衆水合流經一
百八渡逃城東南會及渠水入嘉陵

丙穴 大丙山下水經注云穴口向丙也
寰宇記穴方圓二丈有水潛流每三月上旬

嘉陽縣誌

出魚長七八寸或二三寸連綿從穴中出

謂之嘉魚也

按魯詩世學引陸氏曰嘉魚
鯉實鱒鱒鯽肌詩經集傳云

出於丙穴劉淵林注丙穴在漢中沔陽縣有魚

穴二所常以三月取之丙地名也水經注

嘉魚又東南得丙水口水承丙穴穴出

嘉魚常以三月出十月入地穴口廣五六

穴口向丙故曰丙穴下注褒水周地與記

興州有兩山山有穴即丙穴其口向丙因

以為名寰宇記大丙山小丙山在興州順

政縣東南七十里其山峻崖南北相對潤

七步其崖峻峭高百丈山衣石髮被於崖

際北有穴方圓二丈餘其穴有水潛流土

八相傳為丙穴沮水經穴門而退六里之
大丙水每春三月上旬後有魚長七八寸
或二三寸連綿從穴出躍相傳名為嘉魚

山川根脉

城東鳳山相連剪茶嶺至大寨嶺接榛沔縣
縣南大丙山相連飛仙嶺接榛寧羗州縣
西天生橋相連相公山接榛階州縣北象
山相連八渡山接榛嶺縣嘉陵江縣北一
百二十里即白水江也源分大散關分水

嶺之南經東河驛鳳縣至嶺縣由白水江
合青泥河通舟楫至兩河口合淮河自禮
縣發源會橫現河遠城西南會夾渠八渡
二水流樂素河陽平關至廣元縣入蜀縣
東沮水河即鐸水河俗稱曰黑河也發源
紫柏山至沔合漢水

地輿丘墓

唐侍御黃文墓 東二十里

宋竇將軍墓 西十五里石牛寺左中壩有
將軍祭旗臺俱廢

侍郎周道墓 西三十里寶虹山豎口沿江

以西五里許

觀察使杜公世代墓

東一十里橫嶺山先世
公有秀預如晦行自南

陽徙居茂陵其後堅復自茂陵徙居畧陽
生子融忠勇報國仕至觀容使贈堅武顯
即融生子曰長安宗未仕次安祖承仕即
安國忠翊節步仁戴德郎安國生子累遷
仕至御前選率步軍總管曾都使世代
墓見於加盤村橫嶺山之下自吳勝後亂

四春陽縣誌

十三

碑碣陳壞無有存矣

王夫人楊氏墓 又筆山後

明

戶部主事封庫實墓 在石門

勅旌節婦卜氏墓 西三十里張家灣

古蹟

筆破山脊

縣東三里舟家山晉穆帝位人圖
因故里山川觀之以筆破其山脊

令人照圖斷山而因遂為燕所滅即今斷
跡猶存也

玉文山人口東南三十里半山有白石如人冠冕坐於崖間矣

風俗

性本淳龐行崇儉朴風氣兼南北語音類秦蜀民務農耕鮮為商賈士敦文學不尚聲華婚喪有禮男女別嫌好義急公遺風猶在

災祥

弘治元年邑夏大旱至冬人相食

畧陽縣誌

十四

正德二年五月邑大雨高家山崩壓死百九十餘人後大旱民皆流移

天啓七年邑地震二十日夏旱秋禾全無是歲大饑

皇清

順治十年地震冬松涼關降五色雪是年邑大水地震塌壞城郭二百餘夫

轉餉

唐

嚴礪元和間遷興州節度使運餉成州自長
舉以西疏嘉陵江三百餘里通漕以魏轉
運乃便

皇清

崔澄遼東人任布政司叅政分守潼關道康
熙十三年滇逆寇蜀進兵征討澄駐畧陽
督運糧船合徽畧三百餘隻絡繹轉運軍

畧陽縣誌

十五

食始足時知縣吳樹聲江南甲辰進士甫
任月餘一切二從器用皆取給於一令樹
聲席不暇煖日不再食早煎焦勞報運得
通而聲亦以勤事死

趙良璧奉天開元人任西安府清軍同知十
九年正月奮威將軍王進寶畧畧將軍趙
良棟乘勝追擊滇逆恢復滇蜀督撫委璧
駐畧監造糧船轉運兵餉與撫治西寧倉

事趙振整飭甘山副使胡悉寧相助爲理
軍需賴以不匱

借亂

漢

隗囂成紀人起安天大稱西州上將軍畧陽
陽平悉虜爲因築台於畧城淮陽王更始
元年與周宗帥兵以應漢光武遣大中
夫來獻使囂囂乃奉表詣關帝報以殊禮

畧陽縣誌

十六

後遣馬援入見又遣兵助馮異擊破公孫
述後有斬公孫遣詔之使出兵擊述蜀兵
不復北出及遣子入質其將王元曰西州
士馬充富定伯之基臣請以一丸泥爲大
王東封函谷此萬世一時也囂然之因負
其險托專制方面徒取敗亡不能與竇融
等比有事漢爲之嘆息

梁

開平中李茂貞舉兵犯興州山南節度使唐道襲率衆固守青泥嵐扼塞險要茂貞不得進遂引衆還

宋

紹興甲叛將史斌陷興州旁邑響應宣撫使盧法原與經制使王燮與元統制韋知幾同謀討斌大破之遂復興州

吳曦玠之從孫也襲父提爲利州安撫使開

鳳陽縣志

十七

禧三年以階和成鳳四州獻於金密受金印提興州稱蜀王詔四川轉運使安丙爲丞相權行都省事丙稱疾不出會監四川總領所楊巨源劉崇之興州中軍李好義皆密謀誅曦先以其約報丙丙大喜始出視事好義帥其徒入僞宮詐稱議事執曦斬之傳首臨安詔誅曦妻子家屬徙巖南

明

正德六年流寇盜四盡五寇畧陽焚掠殆遍
殺知縣孫翼鄉紳劉進監生何文煥屠戮
百姓不可勝紀巡撫都知史袁傑檄諸路
官軍會斬逾年而平

皇清

康熙十四年五月十三日偽將軍吳之茂據
畧陽攻劫各堡寨及潛匿深林密澗者搜
掠四十日始罷五載塗炭郡邑一空十八

畧陽縣誌

十八

年十月奮威將軍王進寶勇畧將軍趙良
棟分道殺入偽逆大潰郡邑始平
得失

漢

建武八年春遣中郎將來歆伐隗囂取畧陽
斬其將金梁囂悉以精銳圍畧陽帝自將
征囂囂衆十餘萬皆降囂將妻子奔西城
畧陽解

楚

晉穆帝永和六年正月楚石閔本起丹畧陽人殺石鑿而自立號虎三十八孫盡成石氏閔姓丹爲石氏所養至是復其姓卽皇帝位國號大魏改元永興後爲燕滅

明

正德六年沅賊燒毀畧陽治

建置志

畧陽縣志

十九

城池

元和志云卽古興州城明正德辛未沅賊起柳御史巡撫卽陽蓋璋委扶風縣令孫璽始築土城高一丈七尺周五里門五各建樓東曰永清西曰定遠南曰鎮江西南曰通濟後以不患崩圮令李朝言申請修理委指揮李乾元督軍民砌石於外築土於內至今王之臣任功始峻崇禎辛未江漲

兼地震塌壞城垣二百餘丈令牛問仁修之

皇清

順治十一年地震撼南門樓西南城垣塌四十一丈令諸保宥同泰將梁加琦補修康熙元年大水至十二年俱以水衝頽二十四年令施有光捐俸整脩移今遊擊譚綸棄其事及工告峻令施有光復捐俸門各

畧陽縣誌

二十

建樓於康熙四十五年七月初七日被水冲崩一去八九難以脩葺僅存基址

縣署

畧陽署向在北山下元廢洪武四年縣丞葉禮仍於舊址新建正德六年流賊焚毀令馬翔重修大門鼓樓儀門天語坊大堂二堂過亭後宅正廳後樓左右廂房西書房大堂前東西吏書房東西公廨贊政廳在

大堂之東御駕庫在大堂之西堂右爲常
盈庫大門東爲土地祠寅賓館在土地祠
前監牢在大門內西堂東督糧廳今裁堂
西爲巡捕廳滇逆之變付之一燼與申勇
畧將軍趙良棟保舉中州李扈署縣事重
脩中堂後宅二十二年署印本府經歷沈
文蔚拆南察院改建大堂三間二十五年
令施有光建獄神堂獄屋於康熙五十年

令范昉建馬神廟二堂過亭重脩後宅東
書房

申明旌善二亭無

察院在縣北後改爲儒學

布政司在縣南門內後改督捕通判公署今
爲守備宅

按察司在高臺後後改南察院衙署久廢
存基址

倉院在縣高基於雍正五年五月內奉文添
建倉廩一座三間雍正七年九月內奉文
建蓋東路木瓜務社倉一座五間離城五
十里西路且口社倉一座五間離城三十
里北路白水社倉一座五間離城一百
二十里

陰陽學在縣西

醫學在西街

畧陽縣誌

二十三

演武廳在北關

教場在北關外

養濟院在北關

漏澤園一在伏家壩去城北三里一在南六

里陸廣坪

學宮

先師廟在縣治西

啓聖祠在文廟後

文昌宮在高臺

魁星閣在縣北象山前 雍正五年令荒坊
遷建高臺

名宦祠在櫺星門東祀明殉難扶風知縣贈
光祿少卿孫璽巡撫鄖陽都御史袁傑吳
道宏

鄉賢祠在櫺星門右祀南北朝益陽侯垣夔
之冀州刺史垣詢之齊都督垣崇祖唐禮

畧陽縣誌

二十三

部尚書同平章事權德輿宋侍郎周道
萬壽宮在高臺於康熙五十二年令荒坊
修

先農壇在東關外

社稷壇在西郊廢

風雲雷雨山川壇在南關廢

厲壇在西郊廢

城隍廟在南街

土地祠在縣儀門外

祠廟

忠孝祠 在縣北學宮之左

節義祠 在縣高臺

五瘟祠 在高臺

關帝廟 一在西門內一在獅山

火神廟 關帝廟之右

馬王廟 關帝廟之右

畧陽縣誌

二十四

玉皇廟 在獅山

鄧都廟 一在獅山一在廟壩

東嶽廟 在北關一里

三官廟 在北關外

武侯王廟 在靈峻山阿晉臣姓楊名盛有

功地方南北朝宋封王爵稱爲土主附祀

杜稷壇

寺宇

正覺寺 在東關外

觀音閣 在縣高臺

靈岩寺 南七里建於唐之開元舊宇尚有存

一 直上 巖峻 也不 記 歲 矣 燼 際 一 松 蟠 若 龍

逢 洞 之 左 岸 冷 泉 汨 汨 瀉 斜 度 又 歷 洞

賢 碑 記 頗 多 宋 哲 佛 書 司 馬 光 精 忠 粹 德

之 碑 亦 於 此 在 焉

回龍寺 南五十里 釋迦寺 南六十里

藥王洞寺 東三里 石牛寺 西十五里

畧陽縣誌

西溪寺 東五十里 寫臺寺 西四十里

報恩寺 西六十里 勝水寺 西六十里 相公

彌陀寺 西七十里 禪覺寺 西八十里

香水寺 西一百里 琵琶寺 一在金竹渠 一

鐵佛寺 西北一百里 藥師寺 在北關外

元帝寺 在北關外 弘化寺 北三十里

仙台寺 北八十里 治平寺 北一百里

觀音寺 北一百二十里 化成院 北一百二十里

白石巷 北九十五里

三清觀 一在獅山一在

白木閣 城內中街

聖母殿 在西堤高台

廣針殿 在獅山

津梁

木瓜橋 東五十里

通惠橋 東門外

五間橋 東九十里

翠秀橋 在里口

天生橋 西六十里

西門外渡

沮水渡

白水渡

畧陽縣誌

二十六

泥窩渡

里口渡

橫現

八渡

夾渠

石門

知村

兩河口 閣老廟

接官亭

茅壩

奠茶嶺

峽口驛

沮水

廟壩

五郎坪

白礮壩

道崩舖

以上東門外

橫現河

相公山

平溝

金竹壩

里口

垣山子

大草壩

明水

藥木院 西淮壩 大南峪 以上西門外

夾門子 音白石 樂素河 雷灘 以上南門外

小八渡 大八渡 白石溝 中川

三川 費家埡 娘娘壩 金池院

黑河 老柏樹 小丙河 馬蹄灣

青泥河 白水江 以上北門外

市集

縣治前治北半月輪轉

峽陽縣誌

二十七

舖舍

總舖 在縣前 登雲 接官 茅壩

煎茶 峽口 沮水 以上抵東沔縣界

麻柳 鐵佛 蕭公 以上抵南寧義州界

嘉陵 白水 青泥 以上抵北嶽縣界

驛傳

青泥驛縣北一百八十里唐置今廢止在縣

額設馬六匹馬夫三名在於康熙三十七

年五月內奉文在於題明邊塘等事案內
撥驛邊廳馬三匹馬夫一名半止留馬三
匹馬夫一名半又於雍正七年八月內奉
文在於沿邊口外安設驛站等事案內調
撥解甘安站馬一匹止留驛二匹馬夫一
名

里甲

里四禮仁里信義里悅辰里明倫里里有十
畧陽縣志

二十六

甲每甲里長一人充戶多少不等里長輪
流催督本甲於康熙五十一年奉文革退
里長范方自封族糧完納

田賦

原額民地新正一等地共一百二十四頃八
十七畝二分每畝科糧五升五合二抄四
粒一圭一粟共額徵色糧七百八十六石
一斗四升五勺四抄八粒每石折徵銀貳

兩二錢八分二厘四毫五絲八微共額徵銀一千七百九十四兩三錢二分五厘九毫四絲二忽三微內除

荒地一十六頃四十六畝二分四厘四毫實熟地一百二十六頃四十九畝九分五厘六毫內除再疏額請等案內奉

旨豁免荒地六十四頃五十五畝二分八厘三毫免編外於康熙四十五年在於詳請季

畧陽縣誌

二十九

勸水災等案內奉

旨傳免中崩道一十七頃七十八畝八分

止實熟地四十四頃六畝八分七厘三毫又

康熙二十一年起雍正七年止各年開墾

過地一十四頃九十五畝三分九厘七毫

實熟地並開墾共地五十九頃二畝二分七

厘該折糧三百二十四石七斗六升七合

六勺三抄一撮一圭七粒七顆該銀七百

四十兩九錢六分八厘三毫九絲七忽一微八纖五塵三渺六沙

九口

原額民丁三門九則不等共折下丁一萬一千四百六十九丁每丁徵銀三錢五分九厘四毫二絲共該銀四千一百二十二兩一錢七分五厘七毫零內除優免丁一百八十七丁免編外行差丁一萬一千

畧陽縣誌

三十

二百八十二丁內各年新增招回並清丈查審出幼丁六十六丁內又逃亡丁一千一十八丁免派外

實在人丁一萬二百六十四丁內除再疏額請等事案内奉

旨豁免殺掠死亡下丁七千一百八十三丁免派外於康熙五十年奉文嗣後但遇編審之期永不加賦丁五丁

止實在丁二千五百八十一丁該徵銀九百二十七兩六錢六分八厘一絲零康熙二十七年招回下下人丁一千三百九十一丁該徵銀四百九十九兩九錢五分一厘六毫八絲

二項共實在丁三千九百七十二丁該徵銀一千四百二十七兩六錢一分二厘零停免銀四十五兩一錢七分八厘以上丁

畧陽縣誌

卷一

糧並均徭停免共銀二千三百四十四兩七錢二分八厘二毫三忽一微五渺六沙於雍正五年奉

旨以糧載丁等事案內停徵銀一千二百九十九兩五錢七分九厘一毫一絲九忽七微六塵三渺五濛八沙六沫四涯除均丁外止實徵銀一千五十五兩六錢四分九厘八絲三忽三微九纖四塵一渺四漠七沙三

泐六涯不敷解支銀五百七十四兩二錢
四厘三毫奉於雍正七年奉文在於沔縣
就近撥領二項共銀一千六百二十九兩
八錢五分一厘內
一解司站襍新墾銀六十一兩五錢九分四
厘零
一解司藥味折價並解藥脚價盤纏銀三兩
一錢九分一厘零

一解司牛留紙劄保六錢二分八厘零
一解司印刷曆日銀三錢六分四厘零
一解司裁汰燈夫銀八兩七錢三分六厘零
一解府供驛站銀一千九十一兩一錢八分
二厘零
一交知縣一員俸薪銀一十六兩三錢八分
一厘零
一交門子一名工食銀四兩三錢六分捌厘

一六毫零

一吏皂隸一十六名工食銀三十四兩九錢

四分六厘零

內於雍正六年奉文裁汰二名

一吏馬快八名工食銀四十八兩九錢二分

五厘零

一吏禁卒八名工食銀一十七兩四錢七分

三厘零

一吏轎傘夫七名工食銀一十五兩二錢九

畧陽縣誌

分零

一吏庫子四名工食銀八兩七錢三分七厘

零

一吏斗級四名工食銀八兩七錢三分七厘

零

一吏典史一員俸薪銀一十一兩四錢七分

二厘零

一吏門子一名工食銀二兩一錢八分四厘

零

一文皂隸四名工食銀八兩七錢三分七厘

零

一文馬夫一名工食銀二兩一錢八分四厘

零

一文訓導一員俸薪銀一十一兩四錢七分

二厘零

一文齋夫三名工食銀一十三兩一錢五厘

畧陽縣誌

零

一文膳夫二名工食銀四兩八錢五分九厘

零

一文門斗二名工食銀五兩二錢四分二厘

零

一文廩生二十名銀二十六兩三錢九分三厘

厘零

一文春秋二祭並小祭共銀三十二兩六錢

六分八厘零

一夫鄉飲銀一兩九分二厘零

一夫白水江渡船水手二名工食銀一兩七

錢四分七厘零

一夫鐘鼓夫五名工食銀四兩三錢六分八

厘零

一夫各舖舖司兵三十一名工食銀五十四

兩一錢七分零

畧陽縣誌

三十五

一夫孤貧口糧布花銀九兩八錢四分四厘

零

一夫民壯五十名工食銀三百兩內在本縣

支領銀一百九兩一錢八分八厘零不敷

銀一百九十四兩八錢一分一厘零在於司

庫請領支發

以奉天大兵於光緒初年撥補應千六名蓋門巡檢
崇四名於光緒十六年

額外

本邑祿米一十八石六斗五升八勺九撮二

圭九粟二顆六粒每年遇墾加增
鹽課

一鹽引一千五百一張

原額鹽課銀一百二十兩八分康熙十九年
五分加增銀七十五兩五分在於二十五
年奉文豁免又七分加增銀一百五十七
兩又閏月加增銀二十五兩一分六厘在
於二十年奉文豁免以上除二項豁免外

畧陽縣誌

三十六

實在原額並七分加增銀二百二十五兩

一錢五分

一茶引無

一屯牧無

一畜稅止有猪羊交易每歲徵收儘解司庫

原無定額

一牙帖止有花布米麵猪羊清油四行奉司
頒帖四張輸銀四兩解司

一 地稅無有定額儘收儘解
 一 當稅房稅無
 一 典當房地稅契原無定額奉司前頒契紙
 給與絲舖填給民間置買典當每年儘收
 儘解司章

一 屯田無

物產

穀

黍

稷

為飯為酒二種

蓋草黃

色白味美和長

畧陽縣誌

三十七

安南粘

色紅味佳

青幹粘

土黃粘

銀珠粘

黃瓜旱

大紅谷

小紅谷

黃殼糯

白殼糯

麻紅殼糯

俱酒

大小麥

青顆麥

蕎麥

玉麥

番麥

黃豆

豌豆

菜豆

赤白小豆

芝麻

大麻

籽

蔬

菘

蒜

芥

芹

笋 茄 菠菜 白菜 油菜

苕菜 茺 蕨 木耳 石芥菜

蘿蔔 高苣 葱 地果 山藥

菁莩 扁豆 刀豆 豇豆 絲瓜

黃瓜 西瓜 甜瓜 苦瓜 瓠 瓠

菓 柑 桃 杏 李

柿 枣 栗 榛 核桃

枇杷 櫻桃 棠梨 白果 梅

畧陽縣誌

二十六

葡萄 石榴 拐枣 軟枣

木 松 柏 杉 椿

柳 榆 楓 楠 椿

梓 杞 柏 槐 花栗

毛栗 冬青 白楊 青楊 銀杏

羅茄 梭羅 苦桃 梨 梧桐

丁木 苦檀 奈木 桑 椴

花 蘭 蕙 魚子蘭 蓮

葵 瑞香 木笑 薔薇 紫荊

刺梅 十姊妹 石刺海 木槿 春海棠

銀絲海棠 垂絲海棠 硃砂桂 金欵桂

黃白桂 絳堯 緋堯 碧桃 海堯

十葉海 棠 硃砂梅 臘梅 黃紅石 榴 月季

鷄冠 美人蕉 牡丹 芍藥 菊 各色

草 芝 萱 苹 藻

蓼 蒿 茅 艾 鳳尾

峇陽縣誌

馬鞭 書帶 茆管

竹 斑竹 篁竹 紫竹 木竹

藥 百合 金銀花 漢防己 金嬰子

木通 青箱 益母草 土降香 草蓀子

黃精 白炭 地骨皮 仙靈脾 何首烏

澤瀉 紫蘇 車前子 劉寄奴 香附子

茯苓 杜仲 稀荃草 天南星 石菖蒲

三稜 連翹 瓦礫子 淫羊藿 牛旁子

細辛 牛膝 牡丹皮 雷丸 赤芍藥

地榆 楓香 大黃 天冬 白芍藥

麥冬 遠志 半夏 麝香 桔梗

茱萸 瞿麥 枸杞

羽 鴻鵠 鷓鴣 錦雞 登鷄

燕 鷺鷥 鶻鷃 鳧鷖 黃鸝

鳩 鸛 鴉 畫眉 杜鵑

鶻鳩 鷓鴣 鷓鴣 雉

畧陽縣誌

布谷 鵲 鵲 鷹 鷄

雀 鷓鴣 鴨 鷄

毛 虎 豹 熊 鹿

兔 狐 猴 狸 山羊

獺 野猪 竹鼯 猪 羊

馬 牛 驢 騾 狗

鱗 嘉魚 鯉 鯽 鱒 鮎 鮎

鱣 鱣 桃花魚 鱖 介龜

蠶 螻 蚌 蚌 蛤 螺 螭

布 絲 貨 平 機 高 機 絲 蠟

添 綿 花 紙 麻 寮

政蹟

漢 李惠河陽人建安中知興州造邨閣棧

道以濟行人有蔡中郎邨閣銘今棧廢碑

銘存

宋 王震字叔仁河南人嘉祐間為武興太

畧陽縣誌

四十一

守建翠峯亭

隋 薛大鼎蒲州人仁壽間為興州刺史渾

厚精明口碑載道有遺愛於民

唐 房武天寶間為興州刺史文能著作武

足戡亂著有翠峯亭記 見文章部

嚴礪元和初刺興州後為節度使興州自長

舉北至青泥嶺西抵成州崖谷峻隘十里

百折秋潦冬雪泥淖為害運餽者顛踣騰

藉血流棧道糗糧爲豪委填溝壑勵乃出
軍府之幣以備器用即山旣工自長舉而
西疏嘉陵江三百通漕以餽萬夫惟怍至
今賴之

宋 揚梓中會昌間刺興州政平訟理有詩
集行於世

楊繪四川綿竹人天禧間爲興州刺史後知
興元府

畧陽縣志

四十二

吳璘乾道初刺興州後判興元府政績前見
李虞卿至和元年權興州事開白水路行人
至今稱便

李良祐至和間爲興州倉判知長舉縣亭建
棧閣橋梁以濟行人與李虞卿王令圖同
倡脩白水路

劉拱總理興州旅儲

商應程知長舉縣同開白水路

孫奎初爲興州刺史政崇大體不事苛察人咸慕之後歷官叅知政事

卻伯翁河南洛陽人爲興州提刑時大寇入蜀翁遣兵扼劍關賊乃遁去州賴以安高稼寶豐中知沔州禮賢下士稽古好學寶佑中守沔州元太子濶端自鳳州寇蜀至西池谷距沔九十里吏民議退保大安稼曰今日之事有進無退不然則無蜀矣乃

議制置使趙葵進據蜀口留稼守沔沔無城倚山作壘元兵至遂戰死

曹友聞曹彬二代孫知沔州節制初與趙彥呐屯青野原大敗元兵次年又與元人戰於陽平關敗績與弟萬俱死之

元李舜臣至正中知沔州建學立師撫字心勞明洪武七年改沔州廢長舉縣德爲畧陽縣

明知縣

常 轉四川簡中人監生

憲恕儉約邑人

李 鑑浙江上虞人舉人

王 環山東泰安人監生

勤政愛民

曹 溥應州人舉人剛直有為

李 顯貴金堂人舉人寬明仁恕

李 茂山西人舉人

馬 琛山西河津人

襄陽縣誌

四十四

蔣 濟遠東人舉人

嚴 明山東人監生

馬 翹忠州人

任 秉中四川瀘縣人監生

杜 介石州人舉人 賦性剛直益政嚴明

周 佑四川潼川人舉人 有守有為民咸德

李 逢春湖廣鄖西人舉人 純為廉明

陳 瑤江西吉水人監生

高山彭水人監生

阮清直隸涿州人監生

胡邦彦直隸易州人監生 純心愛民

王麟安居人舉人

尚廷書直隸涿州人舉人

朱子高湖廣監利人監生

白桂貴陽人舉人 公平民服

李旦春江西安福人舉人 賦性廉靜政通學

東陽縣志

李遇春山西襄垣人舉人 修建多績百廢俱

龐揚四川彰明人監生

裴朝綱湖廣鄖西人監生 俱嘉靖年任

李茂四川什防人監生

平衡湖廣人監生

苗經山東人監生 俱隆慶任

傅爾正直隸滄州人監生 誠懇本乎天性 滄泊出於自然

在任多遺愛 去後有遐思

李朝言南州人監生 修城有功

王之臣四川廣元人監生 峻修城之工優幹
事之才

劉一鵬河南祥符人監生

吳九易湖廣鄖陽人舉人

王 夏梓潼人監生

楊 峻山東人舉人

冉宗孔貴州人監生

楊崇儒山西臨汾人舉人

襄陽縣志

李德性直隸永年人舉人

李 培山東樂陵人監生 革排年之擾黜
差之害發奸剔處

盜息民安

申如頃河南延津人舉人 四知水藥八面才
飲棠蔭已履乎赤

子菁菴地考於青衿邑稱曰鐵耳申公

周鴻圖山東即墨人貢士

周廷申湖廣蘄水人貢士 蒞任六載問關
裁富

何士過四川涪州人舉人

王東公山東文登人貢士 俱天啓間任
 陳所職山東莒平人貢士
 牛問仁山東定陶人貢士
 白鉉山西榆次人貢士
 周悅遼東人貢士
 朱貢河南祥符人宗學貢士
 周灝河南夏邑人舉人 崇正間任

知縣

王業太直隸遵化人貢士

盛交江南太倉人進士

諸保甯江南崑山人進士

口碑以保舉優陞荊州府知府

政簡刑清愛人進士著親召在職在

馬如龍山西澤州人進士

甯心袒遼東人進士

俱順治間任

湯樂江南無錫人舉人

為 苑山東日照人舉人
李嗣膺山西澤州人貢監

吳樹聲江南江寧人進士寓撫字於催科渾
精明於醇厚以一身而應百務芻糧以一
邑而當四面衝要瀝誠報國勤事殞身畧
人感而慕之士民公心請祀名宦

王錫禹遼東人旗廕

施有光江南山陽人貢士

畧陽縣誌

高于崑河南寧陵人進士

江樹德江西會溪人貢生

張會直隸邯鄲人舉人

現任知縣

范昉浙江紹興府會稽縣人監生

明縣丞

葉禮脩建多功在崇正年裁

明主簿

王 錫龍陽人 高公度河南人
張 儒湖廣人 侯 經臨汾人
張志學襄陵人 喬 木臨縣人
楊光國陽城人 王 磐石壽陽人
任 忠直隸人 王 畿山東人
劉 崑浙江人 解 冕真定人
王永傳貴安人 蔣大義雲南人
馬似龍四川人 冀明誠河南人

陽縣誌

楊文元順天人 以上崇正裁

明典史

李 瑤上蔡人 余 經江西人
周之召巴縣人 李文享四川人
江中立壽州人 余維城江西人
李光遠泗州人 蘭 爵絳州人
魯汝唯江南人 歐志顯湖廣人
于維精江西人 惠敷遠河南人

李如松浙江人
賈惟城北直人

沈良珩福建人

皇清典史

韓元道浙江人
新縣人

陳璋福建人

徐之章江南人
新門人

牛際雲山西汾西人

王慶山山西人
慶關人

李鵬直隸宛平人

葉鼎浙江人
會稽人

楊振龍山西平陽人

魏修德濟南府人
齊東人

孫若綺直隸順天府人

襄陽縣志

五十一

魏 緒松江府人
華亭縣人 韓大本
浙江紹興府山陰縣人吏員

費家祐江西南昌府豐城縣人吏員

明教諭

湯志學北直人 李鑑之湖廣人

周吉四川人 徐瑞鳳翔人

王瓊河南人 田鰲四川人

王珏瀘州人 李崇實秦州人

陳九疇河南人 鄭自然江南人

丁汝翼華陽人 舉人 李元傑河南人

曹子康四川人 李遇春清澗人

王鴻漸宜川人 陳常江夏人

趙璧乾州人 韓佳慶四川人

敬德階州人 廖文煥襄陽人

法汝浩扶風人 喬時望安邑人

蘇采龍安人 蘇淮安縣人

朱衣白河人 朱賓遼東人

零陽縣誌

五十一

呂正倫四川人 趙希元福建人

王良弼長安人

皇清教諭

趙霖雒南人 白自修鄆縣人

楊芳白水人 俱順治間任 楊明彥膚施人 自此以後

明訓導

張秀廣安人 湯讓費縣人

杜采鳳階州人 王崇智儀隴人

趙正秀	錢	雲巴縣人
曾	趙承章	清水人
向一葵	鄭	恂保寧人
吳	曹	貞華州人
屈應聘	任	忠東寧人
李友楠	魏懋學	咸寧人
熊	緯	興安人

皇清康熙二十年改教諭為訓導缺

畧陽縣誌

五十二

楊儒胤	寧夏人	王登	高澤縣人
劉九嶷	高陵人	張良	家鳳翔人
楊	誅寧夏人	黎	雍長武縣人
李	推慶陽府環縣人		

武職

畧陽舊無兵防明天啓間流寇變亂請設守
 備官一員兵八十駐扎里口繼移城中後
 以賊寇出沒無常又移白水江今仍移城

皇清副將

梁加琦安塞人捐脩廟學尊禮斯文陞四川

督標中軍總陞八營團練總兵 順治六年任

遊擊

楊守奇岷州人

陞慶陽副將

李

高

直隸寧遠人武進士後陞京口參將

趙光才延安人

張思遠延安人

副將

鄭 羅福建人

畧陽縣誌

五十三

遊擊

劉用亮湖廣人

譚 綸山海關人

楊朝柱江南

徐州人武生

陳 聘福建人行伍

趙殫毅直隸

宣化府人行伍

張進纂直隸 宣化府人行伍

馬進鳳固原州人

行伍

李印昌涼州人行伍

皇清中軍守備

楊尚功廣東人

尹 欽湖廣人 武進士

路良輔白安人

葉自昌臨洮人

劉復初亳州人 繆朝品北直 順天府人武進士

水學聖河南 開封府陳州西華縣人 楊通山西 大同人行伍

武爾敦正白旗滿洲 閔柱佐領下人 武進士

皇清千總

趙進忠鎮番人行伍 李學西安府人行伍

沈文德臨洮人行伍 賈味蘭州人行伍

江文華榆林人行伍 蔡馮祿固原人行伍

毛鍾秀寧夏人行伍 任政榆林人行伍

畧陽縣誌

皇清把總

姚錫華同官人行伍 譚可晉山海關人行伍

王昌臨洮人行伍 李福雲甘州人行伍

王三德甘州人行伍 蒙玉柱靖遠衛人行伍

劉名高榆林人行伍

兵制

曾設水師畧陽二營未經改設之先 卷宗類
多闕畧無從可考 止遺有康熙二十二年

造報缺贖錢糧冊內造報畧陽城守營原設兵丁四百八十八名水師營原設兵丁一千名自康熙二十二年裁改營制將城守營兵丁全數裁革留水師營改爲畧陽營原額馬戰兵一百四十八名步戰兵七十名守兵七百八十二名改設之時守兵內有缺贖糧四百八十二名奉文停其募補是康熙二十二年現在兵數五百一十

八名因與畧陽營原設兵制不符又裁去守兵三十名實在經制馬戰兵一百四十八名步戰兵七十名守兵二百七十一名共兵四百八十八名康熙三十年亡於敬陳徵臣一得之愚等事一案添設肅州鎮裁去本營馬戰兵四百八十名步戰兵二十名止留馬戰兵一百名步戰兵五十名守兵二百七十名共兵四百二十名雍正二

年在於欽奉

上諭事一案照依川省兵制馬二步八之例裁
改馬戰兵一十六名增入步戰數內現今
經制馬戰兵八十四名步戰兵六十六名
守兵二百七十名

馬匹

畧陽遊擊一員

騎坐馬六匹

守備一員

騎坐馬四匹

千總一員

騎坐馬二匹

把總一員

騎坐馬二匹

兵

畧陽縣誌

五十六

戰馬共八十四匹

俸餉

遊擊一員每季應領俸薪等銀五十二兩六

錢七分六厘零

守備一員每季應領俸薪等銀二十二兩六

錢七分六厘零

千總一員每季應領俸薪銀一十二兩

把總一員每季應領俸薪銀九兩

騎坐馬一十四匹每匹應領乾銀二兩七錢
共銀三十七兩八錢

馬戰兵八十四名每名應領餉米銀六兩九
錢共銀五百七十九兩六錢

步戰兵六十六名每名應領餉米銀五兩四
錢共銀三百五十六兩四錢

守兵二百七十名每名應領餉米銀三兩九
錢共銀一千五十三兩

畧陽縣誌

五十七

共應領銀二千一百二十三兩一錢五分
二厘九毫零

四季共應領銀八千四百九十二兩六錢一
分一厘九毫零





畧陽縣誌

44174.229
33
:2

人物

勳爵

晉

楊 璽 臣 人 元 嘉 中 封 武 都 王 謚 忠 順

南北朝

垣 護 之 仕 宋 封 益 陽 侯

垣 詢 之 護 之 弟 封 益 陽 侯

唐

畧陽縣志

權 文 誕 邑 人 荆 州 大 都 督 長 史 封 平 涼 公

明 進士

卜 齋 官 兵 科 給 事 中

封 庫 寶 官 戶 部 主 事

皇 清 進士

梁 舟 官 中 書 舍 人

明 舉 人

卜 齋 兩 子 科 進 士



封庫寶 庚子科進士

周恭禮 癸卯科

湯浴 壬子科官通判

楊明 癸酉科

魚清 舉人

劉翊 辛卯科官知縣

梁舟 辛卯科進士

明貢士

畧陽縣誌

何器 官通判

王斌 官主簿

陳本 官縣丞

梁增

景芳 官吏目

劉安 官檢校

裴儀 官吏目

侯庸 官吏目

梁頴 官主簿

羅獻 官知縣

侯枯 官縣丞

蹇濟

傅禮 官吏目

李微 官奉祀

羅瀨 官縣丞

謝文魁 官吏目

侯 本 官 縣丞

周 成 恭 禮 之 子 官 知 縣

侯 璽 官 知 縣

封 璽 庫 寶 文 之 子 官 知 縣

劉 廷 舉 官 吏 目

高 九 思 官 典 簿

或 貫 之

羅 嵩 官 知 縣

劉 廣

劉 廷 官 縣 丞

李 崧 官 知 州

何 文 煥

趙 友 仁

龔 浮

陳 士 隆

羅 九 疇 官 知 縣

各 陽 縣 誌

賀 友 學

張 養 正

張 璵

王 銘

王 用

吳 哲

李 欽

劉 世 安 官 縣 丞

羅 九 咳 官 教 諭

蹇 賜 官 主 簿

何 經 官 都 事

庸 鸞

張 傑 官 縣 丞

羅 華 官 訓 導

賈 文 琮 官 訓 導

周 文 官 訓 導

楊 宥 官訓導

趙 綬 官知縣

李九學

張顯棟 官訓導

何 洋 官縣丞

趙近臣 官縣丞

賈 言 官主簿

牛 毓 官通判

畧陽縣誌

杜顯又

吳 鍊

馮元吉

羅大宗 官知縣

蔡 泰 官知縣

張九經 官教諭

趙 孟 官縣丞

何 化 官主簿

劉 芳 官知州

羅 江 官知縣

楊文學

劉 儀 官主簿

王仲傑 官主簿

何 紀

李東甲 官知事

楊世孝 官主簿

四

何得清 官縣丞

葉鳳儀

丁崇德

郭 洲

楊 朴

郭 洙

楊 芳

刑 綰

劉 信 官縣丞

黃 棠 官通判

康中洛

楊之奇 官訓導

吳 相 官訓導

李塔根 官同知

羅一夔 官知縣

王世榮

劉起元

劉起敬 官通判

羅士慧

陳 濂 官縣丞

蔚可喬 官學正

楊時科

劉 勇 官學正

黃 訓 官訓導

畧陽縣誌

劉繼先 官通判

程英士 官訓導

李光先 官教諭

段行可 官訓導

劉起豐 官訓導

鄭蘭芳 官通判

劉績先

侯于周

張學顏

何天賜 官知州

趙 玠 官知縣

張星輝 官知府

劉明彦

繼先子選貢官知縣勅封文林郎

劉明卿 信之子

趙 賓

劉明相 中繼先子選貢官參議加一級後誥封

鄭珍 中憲大夫 鄭環

程紹孔 官參議 蔣遠

李方白 官訓導 李作棟

吳道立 官縣丞 陳三策

皇清 貢立

李先白 官兵馬指揮淡 綵 官教授

黃恩大 官學正 程繼孔

畧陽縣誌

六

梁煇 李恒芳

張時升 官縣丞 程世典

康兆民 劉景舉 明相又子官知縣誥封

侯興新 黃正中 官訓導

王用才 李芳桂

馮登先 陳宗器 官訓導

康一麒 馮居察

劉必齋 劉長虹

龐騰鳳 官訓導

張鳳翼

王 謨

劉 燠

侯晉侯 鼎新之子

劉康猷 必鰲之子

陳伊訓 宗器之子

劉齡長

高倬漢

劉士熊

原任潼關縣訓導

何瀛祥

現任鞏昌府文縣訓導

衡廷麒

現任甘肅府高臺縣訓導

高 琰

原任延安府安塞縣訓導

劉士燕

高 琳

焦自若

畧陽縣誌

七

寇 琦

楊大謨

劉士巖

龐虞卿

馬 健

高 卓

余慎修

皇清 武舉

劉景亮

官湖廣永明縣 苑川營守備

高文選

皇清 武官

王進才

以武功累官四川建昌總兵

封贈

明

劉繼先

通判以子明考贈承德郎又其子明相追贈朝議大夫

程英士

訓導以子紹孔贈朝議大夫

皇清

劉明相

參議以子景舉贈中憲大夫

皇清 恩蔭

程世章

承父紹孔蔭官都陽知縣

畧陽縣誌

八

贊達

漢

錫 光邑人哀平時為吏賦中不附王莽光

武即位遣使歸順拜大將軍

郭 荷邑人安順時累次徵辟不就荷明克

古今有末帝不遷州郡命日以文章自娛

張祚遣使徵為博士祭酒進而致只至即

上疏乞歸作以安車蒲輪送還畧陽年八

十四卒謚曰元德先生

晉

楊 盛邑人以世胄仕晉及劉裕受禪盛曰

吾老矣當終爲晉卒於宋元嘉年間追封
武都王後傳爲神復封靈峻照應晉濟忠
順王立廟祀焉

南北朝

垣 遵邑人仕宋官至員外郎清白靖公中

汝陽縣誌

九

外仰其丰采

垣 閔垣遵之子爲中郎歷三州刺史封樂

鄉縣男物齋高帝爲子是求閔女閔曰齊
大非偶也及即位爵如故

垣 護之遵侄也文帝時屢遷鍾離太守天顧
濟此文帝崩孝武入討護之率衆馳赴以
爲冀州刺史義宣反護之大破其黨遷徐
州封益陽侯尋徵右衛將軍謚壯侯

垣詢之驍勇有力孝武即位以爲騎射將軍
梁山之役力戰中流矢卒

垣曇深閔之子博學多聞爲臨城尉拜羽林
參軍劉楷爲交州守王儉曰羽林監垣曇
深雅有學行當令同行及隨楷未交州而
殞

垣崇祖詢之子仕宋歷瑯琊蘭陵太守齊高
帝踐位徙豫州魏攻壽春祖於城西堰泚

水北築小城魏攻之祖決堰下水溺死以
千計魏師退進爲都督

垣榮祖諒之子齊高帝時與佐命勳封將樂
縣子器識才幹有父風

李遷哲邑人世爲山南豪族常統本鄉部曲
甚得人心周文畧地山南獲哲命與賀若
敦同往經畧巴蜀相繼納款授侍中真州
刺史

呂婆樓邑人符堅時爲侍口尚書能爲王猛
於符堅後官至太尉

權 翼邑人侍符堅爲給事黃門侍郎諫堅
未可伐晉又言慕容垂不可信堅不聽後
悉如其所慮

隋

李襲志邑人蕭洸攻宋軍時屢攻不下開煬
帝崩與士民縞素三日流離之際不忘大

畧陽縣誌

十一

義固守二年方屈被隋

何 妥邑人有才名周武帝重之授太學博
士高祖受禪除國士博子上令妥定鍾律
上表許言禮樂之事又論時政損益指斥
朋黨尋爲國子祭酒卒謚曰肅撰周易講
疏行於世

唐

權 僅邑人與蘓源明相友善博洽群書文

章純致官羽林將軍
擢舉佳之子按唐書舉於天寶中祿山使
之獻俘京師舉察祿山有異志詐死逃逸
由是名聞天下又按新唐書舉列貞行傳
德興舉之子按舊唐書德興字載之天水
畧陽人生四歲能屬詩七歲居父喪以孝
聞十五爲文數百篇編爲童蒙集名聲日
大歸泗黜陟河南辟爲從事試秘書省

書郎貞元初復爲江西觀察使李叟判官
再遷監御史府罷柱佑裴冑皆奏請三表
同日至京德宗釋聞其名徵爲太常博士
轉左補闕遷起居舍人兼知制誥轉駕部
員外司勳即中職如舊遷中書舍人貞元
十七年冬以本官知禮部貢舉來年真拜
侍郎凡三歲掌貢士號爲得人轉戶部侍
郎元和初歷兵部吏部侍郎坐郎議誤用

官闕改太子賓客後爲兵部侍郎遷太常
卿拜禮部尚書平章事與李藩同作相及
李吉甫自淮南詔徵未一年上又繼用李
絳吉甫絳議政頗有異同德輿不敢有所
輕重坐是罷爲本官尋以檢校吏部尚書
爲東都留守復拜太常卿改刑部尚書十
一年復以檢校吏部尚書出鎮興元十三
年八月有疾詔許歸闕道卒年六十贈左

僕射謚曰文有文集五十卷行於世

權 璉德輿子多才藝善屬文舉進士拜京

兆叅軍歷官鄭州刺史爲政簡要卓有聲
稱

黃 文邑人少英敏嗜古學元和初舉進士
官至侍郎正言侃侃中外畏其清直

宋

周 道邑人不阿時好官至侍郎清慎足爲

楷模

王大才邑人乾道中進士官至招撫使能摘
奸發伏

元

林 東邑人至正中舉進士不樂仕進或勸
之仕輒曰遲之所以養吾器也或又促之
曰大器晚成君何促爲窮約自甘遂終其
身

峇陽縣志

十四

明

卜 彘邑人潛心理學事親孝建文帝丁丑
進士官至給事敢言爲人憚服

封庫寶邑人永樂辛丑進士官戶部主事
明著績

湯 浴邑人宣德壬子舉人正定府別駕剛
正不阿廉潔自愛致仕歸足跡不入城郭
孝義

唐

李孝儒邑人原名儒性至孝每讀書遇及於孝輒流涕掩卷高宗知名見召即辭歸養親人稱之曰李孝儒

節烈

明

卜氏夫姓名失傳歲之姑也洪武初芳年守節奉旨建坊表墓墓在縣西三十里地名

峽陽縣誌

十五

張家灣坊則廢矣

楊氏庠生劉恢妻讀書明大義勸恢立學本圖鵲起不意分飛年二十三栢舟自矢奉文旌表歲加給卹

羅氏梁貢妻年二十一夫死有遺腹子姑病願以身代翁姑相繼氏歛葬如禮俄而子又夭泣曰梁氏一脉絕矣我何生為遂不食而死

王氏里人徐士選妻崇禎甲戌遇寇欲汙之
不從費以刃不能奪賊剖其腹
王氏里人王康寧妻崇禎丁丑流賊獲氏逼
而欲汚不從連殺二幼子以脅氏罵不
絕口賊怒磔殺氏

皇清

劉氏王世業之繼妻也年十九夫亡撫遺腹
子子又殤志益堅奉文旌揚年九十餘卒

畧陽縣誌

十六

芮氏適士子劉起敬爲室青年矢節遺子羽
緇爲孝廉全蓋平有聲母氏之教也

潘氏里人李應登妻順治避寇熊樹岩岩將
破氏以衣蒙面投岩而殞知府滕天綬旌
其門曰蒼烟舍玉

王氏里人王再所妻順治時借居岩岩賊攻
若氏束衣投崖知府滕天綬旌其門曰抱
璞藏貞

李氏里人高映璧妻有豪右欲強娶剪髮毀
面誓死以拒今六十七歲知府滕天綬旌
其門曰節悍風靈

張氏里人梁天培妻年二十三夫死甘貧守
節癸丑之變偽將欲逼之引刀毀容賊駭
而走今踰五旬二孤亦已成立莫不高其
水守知府滕天綬旌其門曰毀容正節

羅氏里人梁五十子之妻年十六居山左

畧陽縣誌

十七

右無鄰強暴乘其孤夜往欲污之氏不從
脅以刃志愈堅視不能奪遂磔而殺之奉

旨建坊旌表

高氏係貢士陳伊訓之妻生子三人俱幼氏
年三十夫亡堅志守節家道蕭條衣食不
給氏晝夜紡績以撫遺孤嘗囑其子曰我
苦爲汝汝當勤讀以承先志今子俱得遊
泮皆氏朝夕訓誨之所致也於雍正六年

七月初一日奉

音建坊旌表

僊釋

唐

徐佐卿不知何時人自稱青城道士在略陽
飛僊嶺修煉化鶴飛昇

何尚翁邑人修真於僊人關道成飛昇闕以

此名在縣北一百四十里

略陽縣誌

十八

僑寓

漢

蔡邕洛陽人入蜀寓畧陽作邨園銘隸於

白崖

唐

李白隴西人常從還蜀隴間富平陽經青

泥嶺作蜀道難以欲峻險

社甫襄陽人由鳳州入蜀寓畧陽遊靈臺

寺有題咏

宋 柳宗元解人寓畧陽作江運記

宋

蘇軾字子瞻眉州人熙寧間寓興州與鮮

于侁同遊靈岩有題咏

藝文志

詩

唐

畧陽縣誌

十九

飛僊閣

杜甫

二門山行窄微徑綠秋毫接雲欄干峻梯石
結構牢萬壑歌踈林積陰帶奔濤寒日外澹
泊長風中怒號歇鞍在地底始覺所歷高往
來雜坐卧人馬同疲勞浮生有定分飢飽豈
可逃歎息謂妻子我何隨汝曹

按方輿勝覽飛僊嶺在興州東三十里相傳徐佐卿化鶴陞泊之地故名山有閣道百餘間即入蜀道

聽嘉陵江水

前人

鑿崖池奔湍稱古神禹跡在喧山門在獨宿
不安席水性自云靜石中本無聲如何兩相
激雲轉空山驚

興州江館

前人

向蜀還秦計未成寒蛩一夜透窓鳴愁眠不
穩孤燈盡坐聽嘉陵江水聲

咏嘉陵江

薛逢

借問嘉陵江水涓百川東去爾西之但教清

畧陽縣誌

二十

淺源流在一路朝宗會有期

靈岩述舊

歐陽詹

不到靈岩又二年重來風景尚依然層巒迤
出晴霄外倦鳥歸飛夕照邊坐受雲林泉石
好行尋煖谷野橋連同遊不覺天將晚暫借
僧房一榻眠
元

遊靈巖

張俞

玉文山後靈岩寺四百年來選佛場滿地白
雲關不住石泉流去落花香

遊靈岩

鮮于侁

千峯環卽宇二水遶城堞每憐山水佳况復
開岩穴川流數里近放棹攀巖窠靈岩駭神
化環蔭教畝闕何人營佛寺棟宇殆天設前
軒瞰溪山眺聽心耳豁徑穿巨水下碧玉聳
高節湏流瀉石饌玉乳甘且潔其東乃小岩

洞戶敞深微嵌岩見石柱任重立精鐵昔人
遇真僊相携觀金闕川平聽鷄犬始覺人事
別屈曲沿清溪桃花正開發塵緣念御縣歸
思若眩澹寤寐瞬息間岩扉已嚴鑄時遷等
陵谷事勝存圖牒獨有蒼江流青霄鑒明月
予來秋之季氣象頗淒切草木自變衰山花
常復活青暉沃寶適異境差勝絕薄暮上歸
鯉依然望林越

遊靈巖

王龍亭

古寺山坳遠，驕攀一徑斜。
洞深留碧靄，溪急蕩晴沙。
殿接崑松影，堂鄰野客家。
謁僧詢世事，無語指燈花。

遊靈巖

文紳儀

一入靈巖寺，凭欄望眼遙。
山深雲障日，江闊夜生潮。
古洞遺僊跡，流泉傍石橋。
醉來搔首味，得句興偏饒。

畧陽縣誌

二十二

遊靈巖

張昌祖

深壑敞禪扉，獨睨天下奇。
烟雲藏不盡，花木秀無時。
語謂神僊去，我疑蛟壘移。
沉吟玷佳景，有句不成詩。

遊靈巖

富言

聞說靈巖境，最幽乘間艤。
棹共追遊蹤，泉翠滴半空。
雨古樹陰連萬壑，秋縹緲香烟籠。
梵榻嵯峨山勢枕，江流登臨眺望關。
河遠惹起

思鄉戀國愁

遊靈岩

李茂先

雪巖偶得片時留
傾側清罇興未休
香積尋常分藥水
禪林自昔枕江流
羊腸盤轉層崖
蔭山腹空懸古洞
幽談笑相逢情更厚
何嘗携手約重遊

遊靈岩

劉異

築水標題不記年
奇花深洞舊通僊
山迴巨

零陽縣誌

三三

蔭常遮日境絕纖埃
別是天碧照東西
江浩渺綠迷高下
竹嬋娟凭欄周覽
儵然靜全像香殘一炷烟

明

同友遊靈岩

周夢暘

岩開幽洞自何年
獨倚江頭清可憐
一水遠聯秦蜀路
兩峯高峙井參邊
穴中不見通僊路
壁上空存覽勝篇
酒興有餘聊更酌
與君

同醉菱荷天

孤貞敬

白桂 邑金

余節婦馬家母年方二十良人故一朝同處
諒不難旬月孤兒伏誰撫門衰祚弱心皇皇
孤兒日長性醇良教書和淚手新寫正字從
頭心不忘子在膝邊夫在地千鈞一髮懸宗
祀萬口誰能移所天三從自許成今志暮景
侵尋鬢已皓孤兒食祿將登科馬家舊住連

畧陽縣志

二十四

城下高明直與同巖巖子生未識嚴君面母
教至今猶不倦百年肯負泉下人寸念長於
手中線卓槩蔡旻何足數孟母共美堪並賢
孤兒今日廩祿養少酬節母素心堅

畧陽道中

劉嵩

桂棹衝開濤浪馬蹄踏碎煙雲綠水青山常
見金堂玉洞開闡
白水遠來天際青峯半棟雲中一曲山歌燕

子半菘煙雨漁翁

淡淡濃濃遠樹重重疊疊高山塞外征人禾
運天邊倦鳥飛還

石蹬高低道路茅庵遠近人家山靜時聞啼
鳥江空喜見梅花

嘉陵風景

劉璣

翠壁嵐光雨後鮮
峯巖如画碧連天
漁翁坐釣江邊月
販客舟浮水上僊
官味一廉羹石

畧陽縣誌

二十五

芥民生三飯種山田
雨暘時若天邊惠願聽
人歌大有年

遊靈巖

白桂邑令

一佛臥空天三椽佛殿前
陵江浮北斗藥水引長年
曲徑花容咲叢林鳥語喧
蓬萊何處是身世依雲天

皇清

嘉陵秋漲

諸保宥邑令

何處聞風雨江流觸石聲終當到東海鯨背
看潮生

蔡中郎卽卽閣銘碑 施有光 邑令

君不見雲書鳥篆恣奇文岫嶠石鼓源流分
後漢伯英變今法亞聖卓賢接踵聞桓靈之
世劉君嗣行書創起推獨異此時更有絕倫
人入妙超神非一致曠世逸才屬中郎直言
覘望至今香餘情潑墨龍蛇走卽閣銘碑猶

畧陽縣誌

二十六

非常試問銘碑何自始卽閣蓋由良牧李飛
担懸拱利徒行見者神揚爰作紀高閣名碑
稱二絕滄桑兵燹及磨滅至物還應歸玉棧
閣久傾圯碑盡缺 真蹟無一字今所傳者
臨摹付本耳 昔曾登

代陟巔危欲補秦皇無字碑又曾南探金庭
遊鴈蕩芝函玉冊杳難狀由來奇字不肯落
人間蘇碑斷碣石皆覆欲知世上驚人筆多
在窠中未見山

按鄗閣銘碑真在白岩宋李虞卿恐久而失蹟故復刻於靈岩之羅漢洞

漢

鄗閣銘碑

蔡 邕

惟斯折里處漢之右縣源深湫接注於道涉秋霖澆盆溢深溝濤汲勞沛激揚絕道漢水逆濠藉滯商旅路當二州經用所沮沮縣甚久或給州府休謁往還恒失日晷行旅咨嗟

畧陽

二十七

鄗閣銘苦斯鷄既然鄗閣尤甚危崖鑿石處隱定極臨深長淵三百餘丈接木相連觀為萬柱過者愕時乘數為下常事迎布遭遇積納人物俱墮沉沒洪淵顛覆為禍自古迄今莫不創楚於是太守漢陽河陽李君諱惠字伯都以延寧三年二月辛巳到官思惟惠到有以綏濟聞此為難其日久矣嘉念高帝開石門閱其功不朽乃碑會據下刻鑿

解危殆即便求隱析里大橋於爾乃造校致
故堅故巧雖百魯班亦莫擬象又醜散闕之
漸潔從朝陽之平爇戒西閣就安寧之石道
禹導江河以靖四海經紀厥績艾康萬里勒
石示後乃作頌曰降此惠君克明峻德允武
先文躬儉尚約化流若神教民如約精通體
穹三納符銀所歷垂勲香風有隣仍致瑞應
豐稔以樂行人彞欣慕君靡已乃詠新詩曰

峯陽縣誌

二二八

川父之間高山崔嵬兮水流蕩蕩地既磽確
兮與禹爲隣析分告績業兮至於困貧危危
累卵兮聖朝憫憐末傾兮全育子遺卹勞曰
稷兮惟惠勤勤充庶兮百姓歡欣食曰太平
兮文翁復存

唐

鵲巢背太歲賦

權德輿

邑人

營巢有因惟鵲無能始自小寒之日不當太

歲之神辨向背以經營必先避地顧縱橫而積累足以藩身且其矯翼徘徊向隅栖息時懷握木之志日就積薪之力若在離宮之下不可巢窟如當子位之中無因逐北所以率先表異靈勝知歸應時節而遷易辨方隅之是非愈後明神自易地而攸處顧茲弱羽信何枝而可依時也苟遂安居寧辭力役銜腐草而構慮向高柯以容跡動觀所忌如方士

之工層擇地已有知風豈無方一枝而自託雖小樹之能物且相質以和鳴喜同于雀乃卜吉而聚趨甚於鳧况復藉用茅茨殊荷庇蓋任風雨而自適豈陰陽而去泰念土宜之是顧方信樂天匪集止之自然焉能向晦爾乃節屬嚴凝時方返寒理地角而知禁豈天時之可干切銜泥而卒止知於歲杪聊寓跡以求安既而飲啄無虛推移不滯得厭勝之

良術誠棲止之上計潛軫鳴條之慮必附枳枸
之勢摧枯拉朽已完葺于崇朝命似引雛聊
優游以空歲顧末俗之無遠信名禽之可繼

江運記

柳子厚

御史大夫嚴公牧於梁五年嗣天子用周漢
進律增秩之典以親諸侯謂公有功德理刑
就加禮部尚書是年四月使中謁者來錫公
命賓僚吏屬將校卒士鰥老童孺填溢公門

畧陽縣誌

三十

舞蹈歡呼願建碑記德垂億萬祀公固不許
而相與怨咨寔遑如不飲食于是西鄙之人
密以刊山導江之事願刻巖石曰維梁之西
其蔽曰某山其守曰興州興州之西爲寇居
歲備亭障實以精卒以道之險阻兵困於食
守用不固公患之曰吾嘗爲興州凡其土人
之故吾能知之自長舉北至於青泥山又西
抵於成州過粟亭州踰寶井堡崖谷峻隘十

里百折負重而上若蹈利刃盛秋水潦窮冬
雨雪深泥積木相輔爲害顛踣騰藉血流棧
道積糶芻藁填谷委山牛馬辟畜相藉物故
運夫卑力守率延頸嗷嗷之聲其可哀也若
是者綿三百里而餘自長舉而西可以導江
而下二日而至昔之人莫得知也吾受命於
君而育斯人其可已乎乃出軍府之幣以脩
器用卽山僦工由吳轉巨石仙大木焚以炎

火沃以食醢摧其堅剛化爲灰燼舂錘之下
易甚朽壤乃闢乃壘乃宣乃理隨山之曲直
以休人力順地之高下以殺湍悍厥功旣成
咸如其素於是決去壅土疏導江濤萬夫呼
咻莫不如志雷騰雲奔百里一瞬旣會旣遠
澹爲安流蒸徒謳歌枕臥而至成人無虞專
力待寇惟我公之功疇可侔也而何以酬德
致其大願又不可得名矧公之始來屬當西

歲府庾甚虛器備甚殫饑饉昏札徙死充路
賴公節用愛人克安而生老窮有養幼乳以
遂下問不使咸得其志公命鼓鑄庫有利兵
公命屯田師有餘糧選徒練旅有衆孔武平
刑議獄有衆不黷增石為防膏我稻梁歲無
凶災家有積倉傳館是歸旅忘其歸杠梁以
成人不履危若是者皆以兵隙帥士而為之
不出四人之方而百役以就且我西鄙之職

官故不能具舉惟公和坦直方廉毅信讓敦
尚儒學抑損貴倖率忠與仁以厚其誠有可
以安利于人者行之堅勇不俟終日其興工
濟物宜如此其大也昔之為國者惟水事為
重故有障大澤勤其官而受封國者矣西門
遺利史起興嘆白圭壑鄰孟子不與公能彞
險休勞以惠萬代其功烈尤章章焉不可蓋
也是用假辭碣二勒石存之用永憲於後祀

宋

遊靈巖詩序記

鮮于侁

熙寧三年秋中漈于侁行部偶公暇與太守
虞曹郎李茂先晉弼僉謀殿省丞文紳儀公
遊渠巖精舍舟而下數里乃並岸登山又數
百步有一巖環覆可拾畝佛宮構其下崖壁
巖呀石色青融怪不可名常像殿之前有一
軒瞰臨溪怒山俯仰可愛又東行迤邐行間

畧陽縣誌

三十三

見石脉出泉玉色如乳云飲之可蠲疾又數
十步抵小崖崖修數丈廣盈尋中有一石柱
承載巖崖殆非耳目所聞見也其後有洞穴
云昔人常誤入其中行數里見川源花木之
異或憶其家遂恍然欲行迷失處所予愛其
境物之異徘徊久之因為文以記

白水路

在縣北一百二十里
大石碑

雷簡夫

至和三年冬利州路轉運使主客郎中李震

卿以蜀道青泥巖舊路高峻請開白水路由鳳州河池驛至長舉驛五十一里有半以便公私之行具上未報卽預畫材費以待其可明年春選興州巡轄馬遠舖殿直喬連頴禱園並郵兵五十餘人因山伐木積於路處遂籍其人用訖是後又請知興安軍事虞部員外郎劉拱揔護督作一切仰給悉令爲具命僉署興安判官太子中舍李良祐權知長舉

縣事順政令商應程度遠近按視險易同督斯衆知鳳州河池縣事中丞王令圖首建路議卽移文令圖通幹其事至秋七月始可其奏秋八月行者已走新路矣十二月諸工告畢作閣道三千三百九間郵亭營屋網院三百八十三間減舊三十三里廢青泥一驛除郵兵驛馬一百五十六人騎歲省驛廩舖糧五十石蓄草一萬園放執事役夫三十餘人

路未成會李遷東川路今轉運使工部郎中
田諒至審其績狀可成故喜猶已出事益不
懈於是斯役肇于李而成于田也嘉祐二年
三月田以狀上且曰虞卿以至和二年仲春
興是役仲夏移去其經營建樹之狀本與令
圖同臣雖承乏在臣何力願朝廷旌虞卿令
圖之勞用勸來者又拱之總役應用良祐應
之按視脩創建之採造監領皆有著效亦乞

陞擢至于軍士十長而下並望賜與以慰遠
朝廷議依其請初景德元年嘗通此路蓋青
泥土豪輩唧唧巧語以疑行路且驛廢則客
卸酒壚爲棄物矣淫食游手安所仰耶小人
居常爭半分之利或睚眦相抵乘行人一切
之急射一日十倍之譽顧肯默默耶這作百
端理固然耳向使愚者不怖其誕說賢者不
或於風聞則斯路初亦不廢也大抵蜀道之

難自昔以青泥嶺稱首一旦避險即安寬民
省費斯利害斷然易曉烏任聽其悠悠之談
耶而後之人見己之易不念始成之難則斯
路永期不廢矣嘉祐二年二月六日記
明

畧陽縣遷建廟學記

何景明

學憲

正德己卯春予董學事由徽州入岷浮白水
江下畧陽視其城中卑江水西來衝之多激

畧陽縣誌

三十六

流迅湍歌圻崩折而學宮正居其卑夏縣書
報江溢大水城陷學宮悉沒副使寧波呂君
克中時按治關南乃行縣躬詣其地視之則
堂壇墊爲沮洳殿廡蕩于沙石矣遂集衆謀
曰茲地卑甚不可復即復終能免患耶于是
使同知何子奇率教官張繡諸生羅江劉儀
等改卜相其地宜圍爲永遠獲地于縣治之
北抗故可宮考兆曰吉僉謀畢諧君乃擇委

漢中衛知事金坡治其工又發贖金三百餘
付之坡程諸匠作鑿石代材拓荒闢穢經始
于庚辰夏五月又五越月而卒其役凡爲宮
室殿五楹廡東西各八楹戟門三楹櫺星門
三楹細賢名宦祠各一楹堂三楹齋東西各
三楹儀門三楹東西號舍各十一楹其餘牲
所神厨廩廬咸備左高爲廟右下爲學崇卑
就列向背因形椽題約制輪奐飭觀聖靈既

妥賢才斯萃惟君思創樂成猷厥終始乃令
教諭李崇實狀列其事請紀諸石按志云畧
陽地自漢隸唐宋爲河州隸興元府元始徙
州治于鐸水改畧陽爲縣隸之至正十年縣
令李舜臣建學于縣治北國朝改河州爲縣
與畧陽俱隸漢中府洪武四年縣丞葉禮徙
學于縣治東北正統十三年大水學宮壞教
諭譚志學脩之成化四年又大水學宮又壞

知縣李鑑脩之坡之開此地也掘土得石碑
視其記實舜臣徙學古地也蓋自葉禮改徙
之後迄今凡三遭大水而後徙地仍復其故
豈非得失哉夫畧陽爲古羗氏之域至文王
行江漢之化其風氣已開文明漸被矣矧由
數代以及我明立學崇教三盛則習俗移易
其何已乎然百餘年來人物擊名尚未底於
融顯豈以僻處梁雍之間乎亦由屢兵荐沴

役繁立鮮而士不得以陰其業也呂君之蒞
關南撫循其民簡練其卒厚農薄歛芟寇清
刑然後興廢舉墜脩學敦教獎官師勵人士
以行其政教焉孔子曰足食足兵民信之矣
余于關南庶其見之昔文翁興教相如爲師
蜀之有學蓋肇于此今茲之建是宅阜隆以
降端悍構造維新地復其舊天相人協理臻
勢會肆寧厥居實惟永觀俾俎豆之事表于

東南絃誦之音流于漢沔文翁豈專美耶後世必有考畧陽之學究其文物所從來者則呂君功德何可以弗著哉何可以弗著哉

重修廟學記

龔懋賢

漢在秦封遠畧陽又漢遠邑按地志畧陽壤接嘉陵星分鶉首蓋稱奧區舊矣邑有學自元至正建今更置非一令坵則仍元故地歷年多殿廡半就坵至啓聖名宦鄉賢諸祠敬

一亭諸制得俱備者固闕如也皇帝九年辛巳知縣王之臣慨然以脩廢爲己任先是請于撫憲蕭公余偕茶院赫君俱可其議既治其坵又增其闕者越明年壬午遣役博王子鴻漸告成事于余惟我國家以學士經世而育士則於學校故上自二千石下至今長胥有學誠重之也畧陽雖褊小豈直十室已乎高文二廟間中第代不乏人昭廟而後歲有

升之司徒者亦斌斌文獻故都矣迄今廟廡
鞠荒祠亭不侔局以貞教而育士偉哉至子
之此一舉也士教其興矣雖然予反覆國家
建學之意猶有進於是者以告王子夫秦故
伏羲神農黃帝堯舜禹湯文武周公之所治
開闢以來神聖繼作十常九人素產也厥後
雖以祖龍計首功塵六國而儒風灰燼赤帝
跨馬上牧三秦而詩書闕道然自惠文醞醱

以逮唐宋千餘年間其鴻儒俊彥縉文經武
若孟堅伏波汾陽橫渠權載之之徒猶種種
不愧前誥而德輿者即畧陽人也夫洪河清
漢白馬金牛秀吐二華靈開太乙今山川非
伏羲以來之山川耶矧今皇帝銳意興文列
聖功令具在學宮如敬一箴諸訓正伏羲以
夾心傳心法夫以如是山川具如是教法而
以今觀秦人士反落落遠不逮古至于支城

岩邑並制科鄉舉百年不一二嗜者此何故歟王子來令畧陽他務未遑首以增治學舍爲務母乃謂其故在此矣固也然亦不盡然何者育才在學興學在教生才在山川成才則存乎其人夫自科舉之途辟而利祿之習營心學之教湮而道德之風熄今之所謂學古之所謂藝耳今之所謂才古之所謂技耳嗟嗟山川有靈豈第爲國家產科舉之輩以

應利祿之求已耶國家建學豈僅欲山川生此利祿之人以實科舉之設已耳斷不然矣畧陽近在古聖詰山川之內其人才之生必有可觀者願王工之有以教之也教當如何導之以學不以藝達之以才不以技望先師而教以願學孔子也夫兩廡而教以思齊群賢也守當代之名言則教以教以治其心也應科第之旁求則教以道德有于身也教之

以養軒以下諸聖爲必可師而紀武也教之
以橫渠載之以上諸賢爲必可友而比肩也
必如是教而後可以爲學必如是學而後可
以爲教必如是教而後于國家建置學宮之
意斯爲稱情若曰畧陽下邑姑爲二三子科
第計也非所以望于王子余于博士之來語
之若此博士曰公言誠進于學政矣不獨告
王子可以告全秦可以告天下遂書之作脩

畧陽縣誌

四十二

學記

重修縣治碑記

南 鐘

畧陽爲川陝之限窮谷巘巖素稱不易治正
德戊辰盜起通巴明年蔓延至是破城郭焚
廬舍民懼禍危殆十之六七其奔潰流離者
又顧戀鄉土號泣道路聲振原隰盜既平人
無所于歸訛言累興上下危之未幾四川馬
君來令茲土始至與民約曰若苦盜賊乎曰

然曰出汝力保汝身何如曰以逸役我敢不
奉命遂檄拾煨燼曲方規措之凡土石磚甃
之屬不兩閱月而川委雲集度可舉事乃庀
匠氏備度工踰城以磚依木以鐵建樓于城
四隅環城爲屋可通巡警與廟學壇壝藩臬
行署縣治舖舍次第告成咸歸于度視舊有
加焉經始于正德八年正月十五日落成于
正德十年八月初一日邑之縉紳徵余爲記

余惟士君子之爲政處全盛之時易爲力處
凋劫之時難爲功顧盛衰有期通變有數斯
固天也君當兵燹之餘乃能芟其蕪去其穢
逸其人因其地而後見夫人之所難而爲之
甚易非有剴煩理劇之才孰克致此見君之
作知君之志君之去危以置安除害以興利
則茲舉也非尋常土木之功可比是宜書也
君以鴻臚序班漸陞今職未二年自巡捕而

下俱有論於畧之人惟恐其遷擢而去也余
備員分署時與君同朝且有斯天之誼故不
辭而爲之書

改創廟學記

毛芬

漢之畧邑在萬山中鳳山象山峙如屏嘉陵
八波環如帶靈巖古洞形如目峯綺錯而水
淵澄洞蘊靈而材儲異以故民俗馴茂才雋
蔚起自唐宋以建國朝代毓英傑唐則權公

畧陽縣誌

四十四

臯權公德與以宰相柱史蜚聲宋則周公道
王公大才以八座招撫豎箚國朝則卜公齋
封公庫寶以給事主政開先彬彬濟濟日慚
燁赫惟廟學舊在鳳山之麓宣德後改學北
閩旋改城址而文脉遂斬畧士子鬱思復舊
址久矣邑侯中公來令茲土政教休明惠風
逖邕然猶以興學崇文爲第一務謂山脉來
自象山於是斷路以聯其脉也建樓以堅其

牙也開道以通其氣也立倉以儲其糧也士
民已大喜耳日改觀也及奉太府王公之命
脩舉邑誌見永樂前科第蟬聯舊學在鳳山
下因承士民之請率諸弟子員往觀之果萃
山水之奇爲武興最秀形勝遂益體太府之
意而推廣其事即改文廟爲朝天宮改儒學
爲文昌祠改訓導宅爲社學存其舊也於鳳
山舊址創建廟學蠲俸百金鳩工庀材以恢

往圖又時蠲贖錢之金大成殿啓聖祠兩廡名
宦鄉賢祠并儒學齋甃犁然具備縱橫曲檻屈
俛而宏起軒翥而暈飛匪華樸而文質適中
今奕奕然觀成矣諸士謂有崇聖迪文育賢
敷化之功謂記于石以示不朽余惟古帝王
以建學造士領之有司故有司於邑事莫妙
於因而今昔大異盛衰分輒心始於創謂創
即因也亦可今以百餘年久鬱之氣以值否

括觀不鬱則不發鬱不極則發不大侯于風
鬱之學不難恢復激勸之猷不難振舉舉諸
所措置已自井井有條誰謂古昔廟貌不失
尺寸而猶不地傑人靈與古唐宋先賢輩較
隆比列也耶察學爲海濇詞爲鋒翮翮乎齊
執前鑣與海內比隆則此有啓必發之時哉
予故謂公之創即善于因也亦可是役也財
取諸俸工取諸傭士不知費民不知勞肇于

癸丑之夏落成于甲寅之春則侯之所以嘉
惠畧二子鴻且遠也侯諱如垣別號素廷由
舉人天中之延津人以兵部司務出爲令清
濠正直善政居多士民德之自有觀風者采
之非廟學之記所能若夫僚吏及耆民之與
有勞者附名碑陰

改創廟學記

喬進璠

漢以南之有畧也嘉陵如帶靈峻列屏秀色

靈氣之所苞孕自唐宋迄國初人文熙洽科
第絕絕然起惟學舊在東閔鳳山之麓而英
傑蔚興景泰後遷改北閔未幾河伯爲祟復
改城中而文隳不覺矣今百七十餘年正太
閔之會邑令申如頃酌士子改創之議力恢
遺圖蠲俸百餘金出穀百餘石擇日祭告庀
材鳩工先大成殿弘麗高敞焜燿澤宮至東
西廡戟門櫺星儒學明倫堂次第而圖之工出

于募不徵夫家財出于俸不費公帑經始于癸
丑之春暨甲寅之秋工即告竣至於改文廟爲
朝天宮改儒學爲文昌祠存其舊也邑庠士
劉紹先等走丐余言以勸貞珉余惟先王御
世化民埏埴萬宇固不與建學宮育成材備
教誦其法言侑其德容以聖賢爲師勿變於
流俗言學則本於經術言政則紀於王道使
天下稱淵源有自庶幾登斯堂也人人有猛

進之念焉余分憲漢疆匪止激濁揚清亦
以興起斯文為務今邑學改創伊始諸生
幸地靈人傑余以為從人傑付地靈而人
自傑爾諸生趨向欲端操持欲定識見欲
達以平日之學淵源以厚研幾聰明正直之
表而發情正澹泊寧靜之間衆詳之有不
聞衆觀之有不見衆德慕而治悅縮心鞠
躬而有下焉蓋孔孟家法祖宗憲章為律

東陽縣志

四十八

為度不濶不隨猶歲暮布帛之切于身
其何以旦夕之海嶽趨從而秀吾素也
此之謂行實也員其行始懿才不拂世
其才始達今日惜才惜分他日鵬飛豹變
人何地靈之不人傑哉先正如唐之摧柱
史宋之闢八座明之卜瑣闥芳規懿行照
耀簡編斯以鴈行而頡頏之濟濟多士付
今日循良改創之意矣余是以不辭固陋

遂掘管而著于石

白水路記

郭元桂 兵憲

畧陽嶽階之界地名大石碑一曰小石碑壁立百仞長可數十里許其上則鐵石峭岩不可鑿其下則溪流湍急不可渡其路則石當孔道不可斷唐宋時架木爲道久而傾圮旅人甚苦之強渡而溺者更僕未易數里民謀開路以通往來垂久遠而艱于贊費即有司猶或難之戊子

畧陽縣誌

四十九

夏直指鍾公按部至彼惻然在念爰捐金二百鳩工作路於石壁間閱里威公之德爭先赴役不期月而告成與馬樵本履道坦途自下盼之恍然雲霄之上蓋可績也行旅父老自置豐碑請有司記其事公撤止之其畧曰古人爲其事隱其名余之所耻者名也幸無以名歸我弗獲已乃就石壁勒三大字其名曰鍾公路今年春不佞行部歷其地行旅父老擁道而申前請予嘗以執

事奉公左右知公最深義不可辭因索筆序
大都于左以紀歲月公號文陸游之仁和人
正心標行以古聖賢爲標準初令閩之惠安
再令江右樂平俱有異政天子拜侍御史欽
取實授爲天下第一其巡行川陝也時值地
方災祲多方賑恤饑者以銀病者以藥死者
以塚而又慎激暢興學校議禁令一切不便
者更爲寬大惠利之法與民宣之兩省軍民

畧陽縣誌

五十

鼓舞德化翕然號爲鍾佛子青衿多士則以
鍾夫子稱之至縉紳私評公者曰古之人古
之人茲特其一事云

題藥水洞

吳玠

山僧來徃自忘疲結屋懸崖高不危
日已上西池

原碑脫損九
字不敢妄增

其二

洞踞山巔下漏泉老龍酣睡幾千年誰將石

桂敲品喚我 是人間一散仙

讀白水路記

高應夔

開路磨碑紀至和 於今險易較如何 水來隴
坂尋常見 峯比巫山十二多 一線天光依峽
落懸崖鳥道側 身過蜀門秦塞元 辛苦何故
行人日似梭

嘉陵晚渡

范昉 邑令

一片孤城罩暮烟 嘉陵江畔喚江船 亂渡只

嘉陽縣誌

五十一

憑雙楫駕逆浪 還須百丈棒 源發仇池思探
穴路通吳會唱 歸田從來迹者皆 如此岸草
汀花空自燃

泛舟遊靈巖

范昉

饒舌江流曲 抗鳴移櫓携伴放 舟行文玉壘
揚三四里靈岩 松守萬千聲綠樹 連雲多斷
續音變過雨 半陰晴今朝幸遇 昇平世真樂
相兼吏隱名

再遊靈巖

范昉

靈巖多幽勝一上一回新
危石欹斜迳枯樹
阮要津漢歌起地軸然
鳴出雲峯日落空山
靜香氣拍清心



